



Pou Piblikasyon Imedya: 26/10/2023

GOUVÈNÈ KATHY HOCHUL

GOUVÈNÈ HOCHUL ANONSE 10 MILYON DOLA DISPONIB ATRAVÈ PREMYE FAZ PWOGGRAM REJYONAL SIBVANSYON POU ENFRASTRIKTI ALIMANTÈ NAN LEKÒL NEW YORK

Anonse pandan Mwa soti nan Fèm Rive Lekòl la, pwogram lan ap bay 50 milyon dola sou senk ane pou ede amelyore kwizin yo ak kwit manje pou elèv nan itilize pwodui agrikòl New York yo

Pwogram lan pral fasilité preprasyon manje ki fre, ki fèt sou plas epi bay kiltivate New York yo yon kout pou

Baze sou priyorite Eta Leta Gouvènè a pou konbat ensekirite alimantè ak ranfòse pwodiksyon manje lokal atravè eta a

Gouvènè Kathy Hochul te anonse jodi a, pandan mwa Soti nan Fèm Rive Lekòl (Farm-to-School), 10 milyon dola ki disponib atravè Faz 1 Pwogram Rejyonal Sibvansyon pou Enfrastriki Alimantè nan Lekòl New York la. Pwogram nan pral sipòte pwojè nan lekòl New York ki amelyore preparasyon ak distribisyon repa pou elèv kindègadenn jiska Klas 12yèm ane. Pwogram nan, ki premye te anonse nan Eta Leta 2023 Gouvènè a, pral bay 50 milyon dola sou senk ane pou aplikan ki elijib yo pou fasilité pwosesis ak preparasyon sou plas repa fre, nourisan, ogmante itilizasyon pwodwi alimantè New York ki pi bon pou sante ak lokal epi bay kiltivate New York yo yon ogmantasyon.

"Atravè pwogram Soti nan Fèm Rive Lekòl nou an ak Inisyativ 30 poustan Eta New York nou an pou lekòl yo, nou te fè gwo pwogrè nan rasanble kiltivatè nou yo ak lekòl nou yo ansanm, fè koneksyon dirab pou achte plis manje lokal pou manje lekòl pase sa te janm ye anvan", **Gouvènè Hochul te deklare.** "Pwogram Rejyonal Sibvansyon pou Enfrastriki Alimantè nan Lekòl sa a pral bati sou siksè pwogram sa yo epi bay sipò ki nesesè anpil pou ede lekòl yo kwit manje bon gou pou jèn nou yo. Bay repa ki bon pou sante ak ekilibre egal ak pi bon aprantisaj pou elèv nan tout eta a epi li sipòte kominote agrikòl nou an menm tan".

Pwogram Rejyonal Sibvansyon pou Enfrastriki Alimantè Lekòl la, ke Depatman Agrikilti ak Mache Eta New York la administre, pral bay lekòl yo resous yo bezwen pou rasanble, estoke, trete, ak prepare pwodwi ki soti nan fèm yo, epi rann posib preparasyon manje fre, nourisan, ki fèt sou plas pou timoun lekòl yo. Li pral ankouraje

tou devlopman mendèv nan bay lekòl, kominote ak elèv gastwonomi yo fòmasyon, transfòmasyon manje, manipilasyon ak estokaj manje san danje, lojistik, livrezon, ak plis ankò, ki baze sou bezwen kominote a.

Pwopozisyon pwojè yo ta dwe konsantre rejyonalman sou amelyore preparasyon manje pou timoun lekòl K-12, diminye ensekirite alimantè, ogmante opòtinite mache pou pwodiktè Eta New York, ak ranfòse rezistans nan sistèm alimantè eta nou an. Pwogram nan mande pou etablisman ki finanse yo sèvi plizyè distri lekòl epi sipòte kominote lokal yo, ki gen ladan I lè yo bay opòtinite devlopman mendèv. Nan seri finansman sa a, yo pral bay de rejon 5 milyon dola chak. Y ap bay de lòt rejon 5 milyon dola chak nan faz ki vin apre yo, jiskaske yo resevwa tout rejon yo.

Lajan sibvansyon yo disponib pou depans pwojè kapital yo pou sipòte preparasyon ak distribisyon repa fre pou enfrastrikti lekòl rejyonal yo, tankou agregasyon, sant estokaj ak/oswa kwizin nan estil komisarya. Aplikan ki elijib yo enkli òganizasyon san bi likratif, minisipalite lokal yo, distri lekòl yo ak Konsèy Sèvis Edikasyon Koperativ (Boards of Cooperative Education Services, BOCES).

Pwopozisyon yo dwe soumèt mèkredi 24 janve 2024 a 3:00 pm. Pou plis enfòmasyon sou pwogram nan, elijibilite pwojè ak kijan pou aplike, vizite [isit la](#). Pou plis enfòmasyon, yo pral òganize yon webinè nan dat 29 novanm 2023 a 12:00 pm. Pou enskri ale vizite [isit la](#). Y ap anrejistre atelye sa a epi afiche I sou sitwèb Depatman an.

Komisè Agrikilti Eta New York la, Richard A. Ball, te deklare, "Kounye a, anpil distri lekòl konte sou metòd chofe ak sèvi epi yo itilize manje ki trè transfòme paske yo manke ekipman ak tan pou yo kwit manje sou plas. Pwogram Rejyonal Sibvansyon pou Enfrastrikti Alimantè nan Lekòl la pral ede òganizasyon rejyonal yo estoke, transfòme, ak prepare pwodwi fèm yo pou bay elèv yo manje ki fre, diminye ensekirite alimantè, ogmante opòtinite mache, ak ranfòse rezistans nan sistèm alimantè eta nou an. Nou remèsyé Gouvènè Hochul pou sipò li nan pwogram sa a".

Senatè Eta Michelle Hinchey te deklare, "Chak lekòl atravè Eta New York ta dwe gen ekipman ak kapasite pou estoke, transfòme, ak kwit manje ki fre, ki bon sante ki fèt nan New York, e poutan anpil moun pa gen enfrastrikti fizik pou kontinye ak repa soti nan fèm rive lekòl, ke elèv nou yo merite. Pwogram Rejyonal Sibvansyon pou Enfrastrikti Alimantè nan Lekòl la pral enpòtan pou ede lekòl nou yo jwenn manje nourisan, ki pwodui lokalman pou plis kafeterya pandan y ap ogmante opòtinite mache pou kiltivatè nou yo, epi mwen ankouraje tout distri lekòl ki elijib pou aplike".

Manm Asanble Donna Lupardo te deklare, "Pwogram Rejyonal Sibvansyon pou Enfrastrikti Alimantè nan Lekòl la se yon nouvo inisyativ ki fèt pou ede lekòl yo pi byen prepare repa ak pwodui lokal ki fre. Gen anpil avantaj ekonomik ak nitrisyonèl ki asosye ak sipòte kiltivatè lokal nou yo, tankou ranfòse sistèm manje lokal yo ak bay pi bon kalite manje. Anplis de sa, egzijans fòmasyon mendèv la pral asire ke tout pati nan chèn apwovizyonman an amelyore. Mwen vle remèsyé Gouvènè Hochul dèské li fè avanse inisyativ enpòtan sa a".

Prezidan Asosyasyon Nitrisyon Lekòl New York Ia, Caitlin A. Lazarski, te deklare, "Pwogram Rejyonal Sibvansyon pou Enfrastrikti Alimantè nan Lekòl la pral ofri opòtinite pou lekòl atravè Eta New York pou kontinye bay elèv yo manje ki gen bon jan kalite, fre ak lokal. Anpil lekòl pa gen espas oswa ekipman ki nesesè pou transfòme ak prepare manje dirèkteman nan fèm rejyonal nou yo. Finansman sa a pral redwi baryè ki genyen nan bay timoun nou yo manje sa yo".

Bidjè ane fiskal 2024 adopte Eta New York la gen ladan lòt zouti pou ede distri lekòl yo akeri ak achte pwodwi agrikòl nan men pwodiktè lokal yo, pou asire ke New York rete premye ak pi bon kliyan New York. Espesyalman, bidjè a ogmante limit diskresyonè pou achte manje pou lekòl yo a 150,000 dola, yon gwo ogmantasyon pa rapò ak limit anvan an.

Inisyativ sa yo baze sou anpil pwogram New York pou sipòte manje lokal nan lekòl yo, ki gen ladan [pwogram Soti nan Fèm Rive Lekòl](#), ki konekte lekòl yo ak fèm lokal yo ak pwodiktè manje yo pou ranfose agrikilti lokal yo, amelyore sante elèv yo, epi ankouraje sansibilizasyon sistèm alimantè rejyonal yo. Atravè pwogram nan, Depatman Agrikilte ak Mache a bay asistans finansye, teknik, ak pwomosyon pou lekòl, fèm, distribitè, ak lòt òganizasyon sipò yo pou pote plis manje lokal, nourisan, ki varye selon sezon bay elèv New York yo. Pwogram Soti nan Fèm Rive Lekòl la sipòte priyorite [Konsèy Eta New Yox sou Politik pou Grangou ak Manje](#) pou kòmanse ak fasilité kanpay sansibilizasyon publik sou benefis ekonomik yon fèm lokal ak ekonomi manje; redui baryè jeyografik ak ekonomik pou amelyore aksè a manje fre ki bon pou sante; epi ankouraje nitrisyon timoun ki byen ekilibre.

[Inisyativ 30 Pousan Eta New York](#) la, fasilité plis pwovizyon pwodwi manje ki bon pou sante ki soti nan New York kòm yon pati nan repa yo nan lekòl la. Inisyativ sa a ogmante ranbousman lekòl yo resevwa pou manje midi soti 5.9 santim pou chak repa pou vin 25 santim pou chak repa, pou nenpòt distri ki asire manje midi lekòl yo a fèt ak omwen 30 pousan engredyan pwodui elijib ki kiltive ak transfòme nan New York. Depi Depatman Agrikilte ak Mache yo te pran responsabilite administrasyon pwogram lan kòm yon pati nan angajman Eta Leta 2022 Gouvènè Hochul te pran pou pi byen konekte fèm ak lekòl atravè New York yo, pwogram lan te wè plis patisipasyon otorite manje lekòl yo, avèk yon total 59 otorite manje lekòl yo te apwouve pou ranbousman amelyore pandan ane lekòl sa a, pa rapò ak 51 yo te apwouve pou ranbousman ane pase. An total, lekòl yo ki te aplike pou ankourajman an te depanse plis pase 8 milyon dola nan pwodwi agrikòl New York pandan ane lekòl 2022-2023. Anplis de sa, dènye aksyon Gouvènè a ki te enkli nan bidjè ane fiskal 2024 Eta a pou sipòte inisyativ Soti nan Fèm Rive Lekòl la te ogmante anpil limit diskresyonè pou lekòl yo achte manje ak pwodwi alimantè lokal yo soti nan 20,000 dola rive nan 150,000 dola.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

ANILE ENSKRIPSYON OU